

**ጳውሎስ  
ዲሞትሪው  
ፃፊዱ ላዔንሶ ኪታ  
ጌሉዋ**

ሃዋ ጳውሎስ ዲሞትሪው ፃፊዱ ላዔንሶ ኪታይ፡ ጳውሎስ ማታ ባሬና ማዲያን ኦሎም ባሬናና ኢቲፔ ኦሊያ ዎዳላ፡ ዲሞትሪ ዞሬዳ ዞሬያ ኦይቄዳዎ። ኦ ዞሬያፔ ዳሪያ ባጋይ ዳንዳያን ጌንጫና ቤሴ ጊያዎ። ዲሞትሪው ዞሬያን ሚንጮሉዋ ቃላይ ኢሜቴዳዌ፡ ዩሱስ ኪሪስቶስን ኢሜንቲያዎ ጊዲዳ ማርካታናዳን፡ ሚሺራቸዎ ቃላን ኤጫ ቃላ ጫቁዎ ቲሚርቲያ ሚኒሲዳ ኦይቃናዳን ሜቲያባይን ኤቄቲያባይ ዳርፔካ ታማሪሲያዎን ሚሺራቸዎ ቃላ ኦዲያዎን ሚናናሳ።

ዲሞትሪ ኤያቴላን ኦሴቲያ ፓጮና ሚላ ፓሉማፔ ሃካና ማላ፡ ዲማ ሚኖ ኦዲ ኦው ኦይቴዳ። ኦዲሲ ጎፔ፡ ሄዎ ማላ ኦዲ ሲሲያዎንታ ባዪዚያዎፔ ኦቲን፡ ሃራ ኢ ኢሚያ ጎዲ ባዎ።

ሄዎን ኡባን ዲሞትሪ ሃሳያናው ቤሲያባይ ጳውሎስ ዳዑዎን ኦ ሃኖታ ሎዎ ቆፋ፡ ሄዎፔካ ኦ ኢማኑዎ፡ ኦ ጌንጫዎ፡ ኦ ሲቁዎ ኦ ዳንዳያን ዩዳሳን ኦ ጋኬዳ ሜቲዎ ለሚሱዎን ካላናዳና።

**ሺዎፓቲዎ ኡባቲዎሲ ኢሜቴዳ ቃንሳ ቆፋቲዎ**

- ጌሉዋ (1:1-2)
- ዲሞትሪው ኢሜቴዳ ማቁዎ (1:3-2:13)
- ኦሳይ ካዲያ ዎዳ ኢሜንቲ ቤቲሳ (2:14-4:5)
- ሄ ዎዳ ዳዲያባቲዎን ኮሺያ ካሌሊያ ኦጋቲዎ (4:6-18)
- ዉርሴሳ ቄቲያ (4:19-22)

1 ታኒ ጳውሎስ፡ ያሳይ ኢማና ጌዳ ኪሪስቶስ ዩሱሳና ኦሲ ዳዲያ ዳዑዎባ ኦዳናው፡ ያሳይ ጌዳዎዳን፡ ኪሪስቶስ ዩሱስ ኪቲዳዌ፡ 2 ታ ሲቆ ናዓ ዲሞትሪው ሃ ዳሲዳሲያ ፃፋይ።

**ዲሞትሪው ኢሜቴዳ ዞሬያ**

ያሳ ኢዉዎፔን ኦ ጎዳ ኪሪስቶስ ዩሱሳፔ፡ ኦታ ኬካቴላይ፡ ማርቴላይን ሳርቴላይ ኔው ጊዳ።

3 ታ ዞራቲ ኦሌዳዎዳን፡ ታኒካ ታና ዞሬያ ጌሻ ዎዳናፔ ኦሊያ ያሳ ቃማን ጋላሲ ዎሲያ ዎሳን ኡባ ዎዳ ኔና ሃሳዪያ ዲራው፡ ኦ

ጋላታይ። 4 ታኒ ኔ አፎላ ሃሳያ ሃሳያዴ ናሽታና ማላ፣ ኔና ቤዓናው ዳሮ ላሞታይ።

5 ኔናን ዴዒያ ዋርዶ ባይና አማኑዋ ሃሳያይ። ሄ አማኑ ቤኒ ኔ ዳይ ዳይ ሎይዲኒኔ ኔ ዳይ ኤወኒቂን ዴዒያ አማኑዋ ማላ፤ ቃሲ ኔናኒካ ሄዌ ዴዒያዋ ኤራዲ። 6 ሄዋ ዲራው፣ ታኒ ታ ኩሺያ ላዑዋ ኔ ቦላ ዋሌዳ ዋዴ። \* ያሳይ ኔው ኢሜዳ ኢሙዋ ኔኒ ደሺሴና ማላ፣ ኔና ሃሳዩሳይ። 7 አዪሲ ጎፔ፣ ያሳይ ኑሲ ዋልቃ፣ ሲቁዋኔ ኑ ሁጲያ ናጊያዋ ኢሚያ ጌሻ አያና ኢሜዳፔ አቲን፣ ያሻ አያና ኢሚቤና።

8 ሲሚ፣ ኑ ጎዳው ማርካቲያዋን ዋይ አ ዲራው ቃሹዋን ዴዒያ ታዋንካ ዩላቶፓ። ሺን ያሳይ ኔው ኢሚያ ዋልቃ ከናን ታናና ሚሺራቹዋ ቃላው ዋዬታ። 9 ያሳይ ባሬ ቆፋኒኔ ባሬ አቆ ከካቴላን ኑና አሺዴ፣ ባሬ አሳ ኦላናው ዪሶዋፔ አቲን፣ ኑኒ ኦሌዳ ኦሶዋ ዲራው ጊዴና። ኢ ሃ አቆ ከካቴላ ኪሪሰቶሲ ዩሶሳ ባጋና ዋዲ ደሜታናፔ ካሴ ኑሲ ኢሜዳ። 10 ሺን ሃዒ ሃ አቆ ከካቴላይ ኑና አሺያ ኪሪሰቶሲ ዩሶሳ ዩሳን ኑሲ ቆንጩዳ። ቃሲ ሃይቁዋ ዋልቃካ ኢ ቆዩሴዳ። ዋንጋላ ሚሺራቹዋ ባጋና ባዩና ዴዑዋ ኑሲ ቆንጩሴዳ።

11 ታኒ ዩሱሲ ኪቲዳዋኔ አዪሁዳ ጊዴና አሳ ታማሪሲያዋ ጊዳዴ፣ ዋንጋላ ሚሺራቹዋ ኦዳና ማላ፣ ያሳይ ታና ደሬዳ። 12 ቃሲ ታኒ ሃ ሜቱዋ አኪያዌ ሄዋ ዲራሳ። ሺን ታኒ አማኔዳዋ ኤሪያ ዲራው፣ ዩላቲከ። ቃሲ ኢ ታው ኢሜዳ ሃዳራ ሄ ጋላሳይ ጋካናው፣ ኢ ናጋናው ዳንዳዪያዋ ኤራይ።

13 ታኒ ኔና ታማሪሴዳ ቱሙ ቃላ ሎሚሱዋ ኑዳ ኦዩቃዴ፣ ኪሪሰቶሲ ዩሶሳን ኑሲ ዴዒያ አማኑዋኒኔ ሲቁዋን ዴዳ። 14 ኑ ጊደን ዴዒያ ጌሻ አያና ባጋና ኔው ሃዳራ ኢሜዳ ሎዎባ ናጋ።

15 ኢሲያ ጊያ ቢታን ዴዒያ ኡባቱ ታፔ ባቃቲዳዋ ኤራሳ፤ አንቱንቱ ጊደን ፒጌሉሲኔ ሄርሞጌኔሲ ዴዒና።

16 ሄኔሲፎሩ ታና ዳሮ ዋዴ ሚንሌሌዳ ዲራው፣ ጎዳይ አ ሶይ አሳው ማርቲላ አሞ። ቃሲ ታኒ ቃሾ ጎሌን ዴዒያዋ ኢ ዩላቲቤና።

17 ሺን ሮሜ ጊያ ካታማ ጋከዳሳና ታና ሎይላ ኮዪዴ ዴሜዳ።

18 ሄ ጋላሲ ጎዳፔ ማርቲላ ዴማናዳን፣ ጎዳይ አው አሞ። ቃሲ

\* 1:6 ታኒ ታ ኩሺያ ላዑዋ ኔ ቦላ ዋሌዳ ዋዴ፣ ሃዌ ቤሲያዌ፣ አማኒያ አሳ ካሌላናዳን ጌሻ አያና ኦሶዋሲ ደሪና ቱማቲላን ካሌሊያዋንቱ ቃላ ኦዳናው ዋይ ታማሪሳናው ያሳይ ኦከዳዋንቱ ቦላን ባሬንቱ ኩሺያ ዋሌዴ ዋሲያዋ ቤሴ። 1፻፹ 1:4 ጻሊቱ።

ኤፌሶና ጊያ ካታማን ኢ ታና ኣይ ኬና ማዴዴንቶኔ ኔኒ ሎይላ ኤራሳ።

## 2

ኪሪሰቶሳው ሎዖ ዎታዳራ ጊዲዴ ሜቱዎ ኣኪያዎ

1 ሰሚ ታ ናዓው፡ ኪሪሰቶሲ ዩሱሳን ዴዒያ ኣጵ ኬካቲላን ሚና። 2 ቃሲ ዳሮ ማርካቱ ዴዒያሳን ታፔ ኔኒ ሲሴዳ ዩዎቱዎ ሃራቱዎ ታማሪሳናው ዳንዳዪያ ኣማኔቲዳ ኣሳቱዎሲ ሃዳራ ኢማ።

3 ኪሪሰቶሳ ዩሱሳው ኣማኔቲዳ ዎታዳራዳን፡ ታናና ዎዬታ። 4 ኦላ ቢያ ዎታዳራይ ባሬ ካፑዎ ናሼቻናው፡ ዎታዳራ ጊዴና ኣሳይ ኦሊያ ኪታን ዋላኬቴና። 5 ቃሲ ዎላን ኬሴቲያ ኡራይካ ዎጋዳን ዎፃና ጳዮፔ፡ ዎይታ ኣኬና። 6 ዳሮ ዳቡሪዴ ኦሌዳ ቢታ ጎሺያ ቢታኒ ሺቄዳ ካላፔ ባሬና ጋኪያዎ ኮይሮ ኣካናው ቤሴ። 7 ኔኒ ኡባባ ኣኬካናዳን፡ ጎዳይ ኔና ዳንዳዪሳና ዲራው፡ ታኒ ጊያዎ ቆፓ።

8 ታኒ ዎንጋላ ሚሺራቹዎ ኦዲያዎዳን፡ ሃይቁዎፔ ዴንዴዳ ዳዊቱ ዛሪያ ዩሱሲ ኪሪሰቶሳ ቆፓ። 9 ታኒ ዎንጋላ ሚሺራቹዎ ኦዲያ ዲራው፡ ኢታባ ኦሌዳዎዳን፡ ሃራይ ኣቶ ቃሼታና ጋካናው ዎዬታይ። ሺን ያሳ ቃላይ ቃሼቴና። 10 ሄዎ ዲራው፡ ታኒ ያሳይ ደሬዳ ኣሳቱካ ኪሪሰቶሲ ዩሱሳን ዴዒያ ኣቶቲላ ሜጲና ቦንቹዎና ዴማናዳን፡ ኡንቱንቱ ዲራው፡ ታኒ ኡባባን ዎዬታይ።

11 ሃዌ፡  
«ኑኒ ኣናና ኢቲፔ ሃይቄዳዎ ጊደፔ፡  
ኣናና ኢቲፔ ዴዓና።

12 ኑኒ ጌንጮፔ፡  
ኣናና ኢቲፔ ካዉታና።

ኑኒ ኣ ካደፔ፡  
ኢካ ኑና ካዳና።

13 ኑኒ ኣማኔቲናን ኣጎፔካ፡  
ኢ ኣማኔቲያዎ ጊዲዴ ዴዓናዎ።  
ኣዪሲ ጎፔ፡ ኢ ባሬና ባሬ ሁጹው  
ኤሪኬ ጋናው ዳንዳዬና»

ጊያዌ ቱው ሃሳያ።

ሚና ኦሳንቻ

14 ኔኒ ኔ ኣሳ ሃዎ ሃሳዪሳ፤ ኡንቱንቱ ቃላን ፓሎሜቴና ማላ፡ ያሳ ሲንላን ዞራ። ሄዌ ሲሲያ ኣሳ ባዪዚያዎፔ ኣቲን፡ ኣይኔ ጎዔና። 15 ኔኒ ያሳ ቱማቲላ ቃላ ሱሬቲላን ኦዲያዎኔ ቃሲ ኣ

ኦሶ ዩላቴና ኦሳንቻ ገዳዳ፣ ያሳይ ሳቢያ አሳዳን፣ ኔ ሁጲያ ያሳው አማናው ሚና። 16 ሺን ሃ ሳዓው ኢንጃቲያ ማዳና ሃሳያ፤ ኔና ናጋ። አዩሲ ጎፔ፣ ሄዌ ያሳፔ አሳ ሃሴ። 17 ቃሲ ኡንቱንቱ ታማሪሲያዌ ቦላ ጨቱዋዳን ኡባሳ ጋካናሳ። ሄ ታማሪሲያዋንቱ፤ ላዓቱ ሄማኔዮሳኔ ፒሊያሳ። 18 ኡንቱንቱ ቱሙዋ ኦጊያ አጊዴ፣ «ሃይቁዌ፤ ዳንዲያዌ ካሴ አጁዲጌዳ» ያጊዴ አማራዳ አማኒያ አሳቱዋ አማኑዋ ባዩዚኖ።

19 ገደፔካ፣ ያሳይ ኤሴዳ ሚኖ ቱሳይ ቃፃና ዳንዳዬና። ቃሲ አ ቦላን፣ «ጎዳይ ባሪዋንታ ኤሬ»፤ ቃሲ «ጎዳዋ ገዲያ ኦኒኔ ኢታ ኦሱዋ አጎ» ያጊያ ቃላቱ ፃፊቴዲኖ።

20 ኢቲ ዋልቃማ ጎሌን ዋርቃፔኔ ቢራፔ ማዴቴዳ ሚሻ ፃላላ ገዳናን፣ ሚላፔኔ ኡርቃፔ ማዴቴዳ ሚሻቱካ ዳዲኖ። ሄዋንቱፔ ባጋቱ ቦንቾ ኦሱዋ ኡንቱንቱን ኦላናው፣ ቃሲ ባጋቱ ቶሼቲያባ ኡንቱንቱን ኦላናው ማዴቴዲኖ። 21 ሄዋ ዲራው፣ ኦኒኔ ሃ ኢታባ ኡባፔ ባሪና ጌሾፔ፣ ኢ ባሪ ጎዳ ጎዲያ ኦሱዋ ኦላናው ባሪና አማዳ ዲራው፣ ቦንቾ ኦሱዋ ኦሊያ ሚሻ ገዳናዋ። ቃሲ ሎዎ ኦሱዋ ኡባ ኦላናው ገጌቱዳዋ ገዳናዋ።

22 ሺን ኔኒ ኢታ ዋዳላቴላ አሙዋፔ ባቃታ። ባሪንታ ማዳናው ጌሻ ዋዛናፔ ጎዳ ፃሲሲያዋንቱና ኢቲፔ፣ ዲሎቴላ፣ አማኑዋ፣ ሲቆቴላኔ ሳሮቴላ ሚኒሳዳ ካላ።

23 ሺን ኤያቱዋ ፓሉሚኔ አይኔ ኤሪናዋንቱ ፓሉሚ ዋላሳ ካሌሊያዋ ኤራዳ አፔ ባቃታ። 24 ጎዳ ቆማይ ኡባው ኬኪያዋ፣ ሎይሲ ታማሪሲያዋኔ ዳንዳያንቻ ገዳናው ቤሴፔ አቲን፣ ዋላቁታናው ቤሴና። 25 ቃሲ ኢ ባሪና ኢጲያዋንታ አሺኬቴላን ሲሪያዋ ገዳናው ቤሴ። ኡንቱንቱ ባሪንቱ ናጋራፔ ሲሚዳ፣ ቱማቴላ ኤራናዳን ያሳይ ኦላኔንቶ፣ ኦኒ ኤሪ። 26 ቃሲ ኡንቱንቱ ባሪንቱ ዋዛና ቆፋው ሲሚዳ፣ ኡንቱንታ ባሪ ኮዬዳባው አዛዜታና ማላ ኦይቁዳ ፃላህያ ካቸዋ ዳባፔ ኬሲ አካና።

### 3

#### ወርሴላ ጋላሳቱዋን ሃናናው ዳዲያ ኢታ ዩዋቱዋ

1 ሺን ወርሴላ ጋላሲ ዋዩሲያ ዋዲ ያናዋ አኬካ። 2 አዩሲ ጎፔ፣ አሳይ ባሪና ሲቁያዋንታ፣ ሻሉዋ ሲቁያዋንታ፣ ጨቁቴያዋንታ፣ አዩያዋንታ፣ ቦሪያዋንታ፣ ባሪና ዩሌዳዋንቶ አዛዜቴናዋንታ፣ ጋላቴናዋንታ፣ ጌሻቴላይ ባይናዋንታ፣ 3 ሲቁ ባይናዋንታ።

---

2:19 ፓይ 16:5

ሲጌቱናዋንታ፡ ዘገርሳንቻቱዋ፡ ባሬና ናጌናዋንታ፡ ከኬናዋንታ፡ ሎዖባ ደሴናዋንታ፡ 4 ኡባ ኤሪኬ ጊያዋንታ፡ ዲርቢያዋንታ፡ ኦቶሩዋን ሱጌቲያዋንታ፡ ቃሲ ያሳፔ አሊዴ፡ ኢሻሉዋ ደሲያዋንታ ጊዳና። 5 ኡንቱንቱ ያሳው ጎዱኒያዋ ማላቲኖ፤ ሺን ኣ ዋልቃ ካዴዲኖ። ሄዋንቱ ማላ ኣሳቱዋኮ ሺቆፓ።

6-7 ኣዪሲ ጎፔ፡ ኡንቱንቱፔ ኢቱ ኢቱ ኣሳ ጎሊያ ጌሊዴ፡ ናጋራይ ዳዳዳዋንታ፡ ዲማ ዲማ ኣሙዋን ሱጌቲያዋንታ፡ ኡባ ዋይ ታማሪዴ፡ ቱማቲላ ኤራ ኣካናው ሙሌ ዳንዳዪቤና ዳቡራንቻ ማጫዋንታ ባሌሊኖ። 8 ያንሲኔ ያምባሬሲ \* ሙሴ ዬወዋ ጳልቆዋዳን፡ ሄዋዳን ቃሲ ሃዋንቱ፡ ሱሬ ቆፋይ ባይናዋንታ ኣማኑዋን ኩንዴዳዋንቱ፡ ቱማቲላባ ጳልቂኖ። 9 ሺን ያንሳ ኤያቲላይኔ ያምባሬሳ ኤያቲላይ ቃሲ ቆንጩዳዋዳን፡ ኡንቱንቱ ኤያቲላይካ ኣሳ ኡባው ቆንጫና ዲራው፡ ኡንቱንቱ ካሴዋፔ ኣጲዴ ዲጩኪኖ።

**ወርሴላ ዘሪያ**

10 ሺን ኔኒ ታ ቲሚርቲያ፡ ታ ሃኖታኔ ታ ቆፋ፡ ታ ኣማኑዋኔ ታ ዳንዲያ፡ ታ ሰቂዋኔ ታ ጌንጩዋ፡ 11 ታ ዬዳሳኔ ታ ዋዪያ ቤዓዳ። ኣንዮኪያኔ፡ ኢቆኒዮኔኔ ሊሰዲራ ጊያ ካታማቱዋን ታና ጋኬዳባኔ ታኒ ዳንዳዬዳ ዬዳሳ ኤራሳ። ጎዳይ ታና ሄ ኡባፔ ኣሺዳ። 12 ቱማቲላን ኪሪሰቶሲ ዬሱሳን ያሳ ማላቲዴ ዳዓናው ደሲያ ኡባይ ዬዳርሴታና። 13 ሺን ኢታ ኣሳቱኔ ባሌሊያዋንቱ ሃራቱዋ ባሌሊዴኔ ባሬንቱ ሁጳው ባሊዴ፡ ካሴፔ ኢቲ ኢቲ ቢኖ።

14 ሺን ኔኒ ሄ ቱማቲላ ኦፔ ታማሪዴንቶኔ ኤራዴ፡ ኔኒ ታማሪዳዋኒኔ ኤራዳዋን ሚናዴ ዳዓ። 15 ኔኒ ጉላ ናዓቲላፔ ደማዴ ኪሪሰቶሲ ዬሱሳ ኣማናዴ፡ ኣቶቲላይ ቤቲያ ኣጲዳ ኤራ ኢማናው ዳንዳዪያ ጌሻ ማፃፋቱዋ ኤራዳ። 16-17 ያሳ ማፃፋ ኡባን ያሳ ኣያናይ ዳዴ። ቃሲ ሄ ማፃፋቱ ያሳው ኡሊያ ኣሳይ ኩሜንላኔ ሎዖ ኦሱዋ ኡባው ጊጌዳዋ ጊዳና ማላ፡ ቱማቲላ ታማሪሳናው፡ ባላ ሴራናው፡ ባዪዙዋ ሱሪሳናውኔ ዲሎቲላ ዳዖ ዘሪያ ኢማናው ማዲኖ።

---

\* 3:8 ያንሲኔ ያምባሬሲ፡ ሃ ሱንሳቱ ኤጫ ጫቁዋ ማፃፋን ባዋ፡ ሺን ጮራ ኣሳይ ጊያ ቆፋይ፡ «ሃዋንቱ ሙሴ ኢሰራዒሊያ ኣሳ ጊብጻፔ ኬሲዴ ካሌላናው ቆፔዳ ዋዴ፡ ኣናና ኤቄቲዳ ሙሩኒያዋንታ» ያጊያዋና። ኬሰ 7:11፤ 12 ያሊቲ። 3:8 ኬሰ 7:11

# 4

1 ታኒ ኔና ያሳ ሲንገላኒኔ፥ ዳዑዋን ዳዒያ ኣሳኔ ሃይቄዳ ኣሳ ፒርዳናው ዳዒያ ኪሪሰቶሲ ዩሱሳ ሲንገላን፥ ቃሲ ኣ ዩሳኒኔ ኣ ካወቲላን ኔና ዘራይ። 2 ቃላ ኦዳ። ዋዲ ኢንጃቲና ኢንጃታና ጳዩና፥ ሚናዴ ኦዳ። ዳሮ ዳንዲያን ኣሳ ታማሪሳዴ ሱሪሳ፥ ሴራኔ ዘራ። 3 ኣዩሲ ጎፔ፥ ኣሳይ ቱሙ ቲሚርቲያ ሲሴናን ኢዲያ ዋዲ ያናዎ። ሺን ኣሳይ ባሬንቱ ኣሙዋ ካሊዳ፥ ሲሳናው ናሹቲያዎ ኦዲያ ታማሪሲያዎንታ ጉጂ ጉጂ ሺሻና። 4 ኡንቱንቱ ቱሙ ዩወዎ ሲሲያዎ ኣጊዳ፥ ቶሳ ሲሳናው ባሬንቱ ሃይላ ዋራ ዛራና። 5 ሺን ኔኒ ኡባባኒ ኔ ሁጲያ ናጋናው ቤሴ። ዋዩያ ዳንዲያ። ዋንጋላ ሚሺራቹዋ ኦዲያዎ ኦሊያ ኦሱዋ ኦላ። ያሳ ቆማዳን፥ ኔ ኦሊያ ኦሱዋ ኡባ ፖላ።

6 ታና ጊደፔ፥ ታ ሱላይ ጉኪዳ ያርሹቲያ ዋዲኔ ቃሲ ሃ ዳዑዋ ኣጋዴ ቢያ ዋዲ ጋኬዳ። 7 ታኒ ሎዎ ባዲያ ባዲታዲ፤ ዋላ ዋዳዴ ወርሳዲ፤ ኣማኑዋካ ናጋዲ። 8 ሲንገላቲ ታው ዲሎቴላ ኣኪሊሊ ጊሊ ኡቲዳ። ሄዋ ዲሎ ፒርዳ ፒርዲያ ጎዳይ ሄ ጋላሲ ታው ኢማና። ቃሲ ኪሪሰቶሲ ቆንጫናዎ ደሲያ ኡባሳፔ ኣቲን፥ ታ ዓላላሳ ጊደና።

## ኣ ቡዞ ኣላላቱዋባ

9 ታኮ ኤሌካ ያናው ሚና። 10 ኣዩሲ ጎፔ፥ ዳማሲ ሃ ኣላሚያ ደሲዴ፥ ታና ኣጊዴ፥ ቲሴሎንቄያ ጊያ ካታማ ቤዳ። ቁርቂሲ ጋላቲያ ጊያ ጋዲያ ቢና፥ ቃሲ ቲቶ ዲልማዲያ ጊያ ጋዲያ ቤዳ። 11 ሉቃሳ ያላላይ ታናና ዳዒ። ማርቆሲ ታና ከታን ሎይላ ማዳናው ዳንዲያዲራው፥ ኣ ዳማዴ ኔናና ኣካዴ ያ። 12 ሺን ታኒ ቲኪቆሳ ኤፌሶና ጊያ ካታማ ከታዲ። 13 ኔኒ ያዴ፥ ዓርዓዳ ጊያ ካታማን ካርፖሳዋን ታኒ ዩጋዴ ዩዳ ታ ጋቢያኔ ቃሲ ማፃፋቱዋ ታው ኣካዴ ያ። ሺን ዲማያዴ ጋልባን ዓፌቴዳ ማፃፋቱዋ ኣያ ጊደፔኔ፥ ኣኬናን ዮፓ።

14 ቢራታ ቆዲያ ኢሰኪንዲሪ ታና ዳሮ ቆሄዳ፤ ጎዳይ ኣው ኣ ኦሱዋዳን ዛራና። 15 ኢ ኦኒ ኦዲያዎ ሎይላ ጳልቂያ ዲራው፥ ኔኒ ኣፔ ኔና ናጋ።

16 ኮይሮ ታና ሞቲያ ዎዴ፥ ኡባይካ ኣኔዳዋፔ ኣቲን፥ ታና ኦኒኔ ማዲቤና። ያሳይ ሄዋ ኡንቱንቶ ፓይደ። 17 ሺን ታኒ ኩሜንገላ ከታ ኣዩሁዳ ጊደና ኣሳይ ኡባይ ሲሳናው ኦዳና ማላ፥ ጎዳይ ታ ማታን ኤቁዴ፥ ታው ዋልቃ ኢሜዳ። ቃሲ ጋሙዋ ደናፔካ ታና ኣሹዳ። 18 ጎዳይ ታና ኢታባ ኡባፔ ኣሹዳ፥ ባሬ ሳሉዋ ካወቲላ ሳርቲላን ኣፋና፤ ኣው ሜጲ ሜጲናው ቦንቹ ጊደ። ኣሜንዒ።

ወርሴሳ ሳርታ

- 19 ጸረሰቁሊሲ፣ አቁላሲኔ ሄኔሲፎሩ ሶይ አሳው ታ ሳርታ ኦዳ።
- 20 ኤራሰቦሲ ቆሮንቶሳ ጊያ ካታማን አቴዳ። ሺን ዒሮፊሞሲ ሳኬቴዳ ዲራው፣ ሚሊፄ ጊያ ካታማን አ ዋላዲ። 21 ባልጉ ዋቆናፔ ካሴ ያናው ሚና።
- ኤወቡሉሲ፣ ጳዴሲ፣ ለኖሲኔ ቁላወዳ ቃሲ ሃራ ኢሻቱ ኡባይካ ኔና ሳሮ ሳሮ ጊኖ።
- 22 ጎዳይ ኔ አያናና ጊዶ። አጶ ኬካቴላይ ሂንቴናና ኡባና ጊዶ። አሜንዒ።

**Ooratha Caaquwaa**  
**New Testament in Dawro (ET:dwr:Dawro)**

copyright © 2011 Wycliffe Bible Translators, Inc.

Language: Dawro

Translation by: Wycliffe Bible Translators, Inc.

**Copyright Information**

© 2011, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

**The New Testament**

in Dawro

© 2011, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures. Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.



2014-04-22

---

PDF generated using Haiola and XeLaTeX on 11 Nov 2022 from source  
files dated 29 Jan 2022

585b63ca-b8e6-55c8-bfef-10bdc95ad69c